





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.516/a







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.516/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.516/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL 1.6.516/a



LUEM VENEREAM

NON ESSE MORBUM NOVUM.

ORATIO

HABITA IN ARCHI-LYCEO PATAVINO,

*DIE V. NOVEMBRIS, M. DC. LXXXVII.*

À CAROLO PATINO,

EQUITE D. MARCI, DOCT. MEDICO PARIS.

*PRIMARIO PRACTICAE EXTR. PROFESSORE.*



PATAVII, M. DC. LXXXVII.


Ex Typographia Seminarii.

*SUPERIORUM PERMISSU.*

9



ILLUSTRISS. ET EXCELLENTISS. D. D.  
JOANNI BAPTISTÆ  
DONATO,  
SENATORI AMPLISSIMO  
CAROLUS PATINUS.

 Larorum virorum non minùs otii quàm negotii rationem exstare oportere præcepit Cato, ne quid ab eorum seriis ludicrisque operibus, publica rei decederet. Heroicam sapientissimi viri cogitationem tam solerti sedulitate imitantur plerique Proceres Veneti, ut ipsi tot Catones & sint & videantur. Unum Te inter primarios suspicio, Illustrissime & Excellentissime D. qui sive ad Orientis Imperatorem Legatus, sive magnus Consilii Sapiens, Veneta Majestatis imperia dirigas, sive minoribus officiis Te permittas, otii semper ac negotii præclarum ubique præbes monumentum. Principes Magnatesque, quod nihil agant aut nil agere possint, felices esse, soli opinentur stolidi, & naturam admirentur, continuo laborantem, nec nisi utilissimè quiescentem. Juvât omnes Ser. Reipublicæ togasagoque inservientes, diligentissima assiduitate ejusdem gloriam tueri: Me quidem non è viliori Jovis luto confectum, patiaris, Illustrissime & Excellentissime D. tum tui tum Catonis exemplum imitari, & publicis privatisque exercitationibus, diurni nocturnique mei otii rationem reddere. Eam si probaveris, detestandam invidiam qua sæpè opprimor, facile conteres, & si ultrò faveris, alacriorem me ad majora incitabis, & primam tam diu desideratam exedram brevi conciliabis, quam à Sapientia Veneta expectare non intermittam, Vale.

Patavii, Idibus Novembris M. DC. LXXXVII.



## Illustrissimi &amp;c.



Plerisque Deorum mysteriis, ac præcipuè Cereris arcebantur qui initiati non erant, quodd tanta aut nondum caperent aut revelare potuissent. Hinc ante celebrationem, clamabat Præco, ἐκδὲ ἐσε βέλῃλοι. *Procul este profani*. Idipsum docuit divinus noster Senex, in lege, *Sacra sacris hominibus communicanda, profanis verò nefas, priusquam scientiæ mysteriis initiati sint*. Τὰ ἱερὰ ὄντα πράγματα ἱεροῖσιν ἀνθρώποισι δεικνύται· βελήλοισι δὲ ὁ δέμης, πρὶν εἰ τελεθῶσιν ἀργείοισιν ἐπισημῆς. Similem profectò cerimoniam requireret quod præ manibus est argumentum, ne quantumvis castum, ab impuris auribus detortum, minùs quàm decet pudicum esse videatur.

Vesaniam lugere magis quàm accusare primùm cuperem, nonnullorum ulterioris famæ avidorum, qui deficiente industria aut felicitate, ab Antiquis scripta & manifestè tradita, non erubescunt pro suis pronuntiare. Sic sæpè quæ per Medicorum ora volitant, Hippocratis aut aliorum Veterum dogmata, sibi afferunt, & tanquam sua insolenter jactitant. Quot videmus hoc sæculo novis inventionibus superbientes, quas pridem solis mutatis vocibus, Artis nostræ Principes declarasse orbis litteratus noverat? Sic lactis ex chylo generationem, foetus per os nutritionem, circulationem sanguinis, lacteas venas, glandulas cerebri, Februm causam non ex solo colore sed ab exuperante aut deficiente acido amaroque, vasa pinguifera, Scorbutum, Rachitidem, aliaque ad sanctam artem nostram pertinentia, sibi imperiosè arrogant, quæ ab uno Hippocrate, ut de cæteris classicis taceam, scriptis consignata fuere.

Ejusdem planè sortis est ille morbus, quem vulgus Medicorum, novitate insignem deprædicat, Morbus ab omnibus exofus, & *destabilis*, inquit Jo: de Vigo, monstrum hortendum, ingens, scortatorum miserabile flagellum, frontem partes obscenas præcipuè ac deinde reliquas obsidens, totamque inficiens massam sanguineam, è qua cum nutrimento virus serpit & necessariò deportatur.

Tetrum hunc morbum multi, parum abest quin omnes à tribus sæculis Medicos comprehendam, novum suspicantur & docent à sævientibus ultrò ejus symptomatibus adducti, quibus salutare manus opponere nequibant. Ita morbos regionibus quibusdam familiares seu endemios alieni populi *novos* dixere, si unquam ad eos pervenerint, ac arborum in modum transplantati fuerint. In sola Arabia, Dracunculorum morbum exituisse scribunt Veteres, quem tamen in aliis locis apparuisse affirmant Jul. Pollux, Paulus Ægineta, & nostris temporibus doctissimus Geor: Hier: Velschius; Elephantiasis Ægypto erat vernacula, podagra Athenis, ophtalmia Achajæ, Leucophlegmatia Delo, quorum propagatio novitatem exstinxit: Novus habebatur apud Milesios ille furor, qui referente Plutarcho, *De claris mulieribus c. 11*. Virgines invaserat, nullo ipsum cohibente remedio. Fanaticam contagionem ab aere infusam putabant, ut insanæ mortem cupientes seipsas strangularent: Tanta erat mali calamitas ut neque Amicorum precibus neque parentum lacrymis coerceri potuerit,



tuerit, furoris immanitate, omnem custodientium diligentiam eludente: Delectum tandem ut Virginum quæ sibi mortem conscissent cadavera per medium forum nuda efferentur; Quodquidem vulgarem illam insaniam compressit & terminavit: Tantum ignominiae metus valuit, ut quas humanorum malorum gravissima mors non averterat, ab instituto, turpitudinis species commoverit.

Etiam è contrariò, Endemii facti sunt qui primum aut Epidemici aut Sporadici credebantur. Febrem Hungaricam multi populi pridem erant passi. Scorbutus Danis atque Suecis familiaris est, quo tamen interdum vexabantur Angli, Belgæ, Galli, ne Siculos Venetos cæterosque oræ maritimæ incolas commemorem. Plicam olim in quibusdam regionibus existisse dicunt, quæ nunc solos cruciat Polonos, apud quos seu hæreditaria seu endemia est.

Sed cominus ad affectum propositum accedamus. Qui Vairolam morbum nuncupant per *μετάδοσις* pro variola à varo seu papula faciem turpiter maculante nomen desumunt quem *Ἰόντον* Græci dicunt, indubitato confirmati morbi argumento: A variolis autem seu morbillis *ἐνδύμασι καὶ ἐξανδύμασι* puerili ut plurimum morbo, toto differt cælo, quamvis Endemium esse utrumque morbum evincat, tum rei tum vocum similitudo. Quemadmodum enim variolæ frequenter palamque apud Europæos grassantur, ita Vairola Americanos corripit, nihilo protinus repugnante pueros Indos variolis sædè contaminari, ut Vairola seu Lue Venerea, veteris orbis incolas. Non mei unius cogitatio est, primum illam exposuerat Manardus *de medicam. Indicis*, Rondeletius, *trakt. proprio*. Fernandus de Oviedo, *in historia Indiarum*. Ferd. Cortesius, *in Indiarum relatione*. Jo: Langius *de morbo Gall.* Vallesius, *ad Hipp.* & hæbræus doctissimus Zac. Lusitanus, *hist.* 73.

Paturfam nuncupant Hispani, Indico servato nomine, passionem, scilicet turpem, corpus totum defœdantem. Syphilidem festivè nuncupat Fracastorius, quâ pastorem Syphilum affectum fuisse lepide fingit; & primum laborasse.

*Syphilidemque ab eo labem dixerè coloni.*

Deductum nomen est *ἀπὸ τῆς τοῦ καὶ τῆς φιλίας*, à scortatorum amore veriùs libidine erga porcas, quas Latini lupas, unde lupanar, scortaque nominavere. Pudendagram ab affectis primum pudendis, mentigramque à menti dolore & fœditate Plinius memoravit, quasquidem commentatores easdem ac Luem Veneream esse declaraverunt: Malum mortuum & fœdam scabiem eodem sensu describit Rosa Anglicana. Tacebimus religiosa nomina ad obsequium pietatis ægrotantium animos flentia, à S. Mevio, Evagrio, Semento, aut Rocho desumpta, quòd nihil medicum doceant: quamvis langorum sanatorum Deum non minùs credamus quàm adoremus.

Plerique *morbum Gallicum* nuncupant, deflexâ ad honestissimam gentem ignominiam, quam ab ejus armis victricibus patiebantur Neapolitani, dum Carolus VIII. regnum expugnavit. Hinc factum ut æquiori fato Neapolitanum morbum dicerent Galli, Neapoli acceptum & in omnes orbis partes inde diffusum ac *κόσμιον* ideo nuncupatum. Eò tamen rem redire necessum est, ulterioris incontinentiæ pœnas luisse omnes Europæ populos, post advectum ex America morbum



morbum horribilem. Sic autem sparsum ferunt: Qui apud Barbaros istos seu hæreditarius seu endemius est, & *πάρσνιος*, Hispanorum, cum Indis mulieribus contubernio, factus est Epidemicus: Hunc summo suo cum detrimento incauti foverunt Neapolitani, quorum vulgares fœminæ milites inquinarent Gallos, à quibus circa finem sæculi XIV. pessima merx florentissimum regnum dehonestavit, & remotissimis deinde populis communicata est, amplissimo insectorum numero morbi malitiam & turpitudinem pessimis symptomatibus prodente ac declarante.

Quidni & *Gallicus* jure nuncuparetur? non secus ac Corn. Scipio Africani nomen assumpsit, Cæcil. Metellus Numidici, Mummius Achaici, Æmil. Paullus Macedonici, ut innumeros taceam, quibus victarum triumphatarumque gentium nomina gloriosè imposita sunt. Non inficeret fœtidum hunc morbum clarissimæ gentis *ἐνδεσφ* nobilitari, ad quam undique ut cervi ad fontem salutis accurrunt, quomodo infecti fuerint, nec unquam nisi absque recuperata integra valetudine feliciter revertuntur. Nomina tanta virtute parta oblitterari nusquam debere proprio confirmavit exemplo illustris ille J. Cæsaris æmulus, qui neglecto gentilitio, Magnus quàm Pompejus appellari gloriabatur.

Accurrite porro populi, hujus gloriolæ tum participes tum cupidi: Audite ipsam Luem tanquam Numen, tetræ & si dirumque, sua Natalitia quasi ex tripode non tam declarantem quàm à vobis quærentem.

*India me novit, jucunda Neapolis ornat,  
Bætica concelebrat, Gallia mundus alit.  
Vos Itali, Hispani, Galli, vos orbis alumni,  
Deprecor ergo, mihi dicite quæ patria?*

Quoslibet induat morbus iste colores; quodlibet-ve nomen, novum esse nullus sibi persuadere, qui eundem ab Antiquis Medicis descriptum, & viros tum sanctitate tum potentia celebres infestantem noverit: Quæ duo paucis comprehendere animus est.

Divinum Senem qui primus medendi præcepta clarissimè condidit, non latuisse hunc morbum apertè demonstrant hæc *ἐνδ.* verba l. 3. c. 25. Quibus igitur circa caput horum quid fieri contigit, his glabrities totius corporis ac menti fiebat, & ossium denudationes, ac elapsus, & multæ fluxiones, & hæc in febribus & sine febribus. Erant autem hæc horrenda, magis quàm mala. Et paulo post: Erat autem ex talibus omnium gravissimum, ubi circa pubem & pudenda accidisset. *Ἡν δὲ πάντων χαλεπώτατον τὸ τοιαύτων, ὅτι πρὶ ἡβῆς ἐκ αἰδοῦς ὑποίαν.* Subjungit l. de affectionibus. *Λέπρη, κνηστὸς, φώρα, καὶ λ. ἐπὶ τοῖς τοιαύτοις αἰχρὸς μάλιστα ἢ νεύματα.* Lepra, prurigo, scabies, potius sunt fœditates quàm morbi; Ex quo facile colligitur Luem Veneream hisce vocabulis designari.

Elegantissimus rei medicæ scriptor Corn. Celsus, Tiberii temporibus, ignotum pœne in Italia, frequentissimum tamen in quibusdam regionibus morbum descripsit, quem à Græcis *ἐλεφαντίασις* nuncupat; cumque longum, Luis Venereæ symptomatibus adeo stipatum, ut aqua aquæ non sit similior.

Plinius, nat. hist. l. 26. c. 1. *Elephantiasin ante Pompeii M. aetatem*



rem non accidisse, docet, ipsam à facie sæpius incipientem, in nare prima veluti lenticula, mox invalescente per totum corpus, maculosa, variis coloribus & inæquati cute, alibi crassa, alibi tenui, dura seu scabie aspera, ad postremum verò nigrescente, & ad ossa carnes apprimente, intumescens digitis in pedibus manibusque. Aegypti peculiare hoc vitium, & cum in Reges incidisset, populi funebre: quippe in balneis solia temperabantur humano sanguine ad medicinam eam: Fecerunt hæc ut exclamaverit, Sensit & facies hominum novos, omnique ævo priore incognitos, non Italia modo, verum etiam universæ prope Europæ mortuos. Tunc quoque nec tota Italia, nec per Illyricum Galliasve aut Hispanias magnopere vagatos, aut alibi quam Roma, circaque, sine dolore quidem illos, ac sine perniciæ vitæ, sed tanta fœditate, ut quæcunque mors præferenda esset. Lichenas atque mentagram appellavit, Luemque contagiosam, quam servatis symptomatibus veneream vulgò nuncupamus. Nascitur, scribit ille, in occultissimis corporum partibus &c. Ad quem, quaso, morbum has Plinii voces referre poterunt, qui Luem Veneream Antiquis incognitam fuisse contendunt? Illi profectò alter novus substituendus, sic error errori æternum successurus est.

Dum Galenus Hippocratem interpretatus est, ad l. 3. *de morbis*. adeo Luem Veneream descripsit, ut solum ejus nomen deesse videatur. Horum putredo cuius est commune munus ut illas partes in quas impingat, corrumpat, ecce fermentum seu contagium venereum, terribiliorem in capitis partibus speciem præbuit, &c. Deinde, nam à femore vel brachio vel tibia vel cubito, si cutis recesserit, minorem præbet morbi speciem: At si capitis una cum cute crines defluerint, atque adeo menti cum illis &c. periculum verò minus quam si is affectus pudenda teneat, aut guttur &c.

Quid sunt præterea capitis ulcera cacoethica, dolosa, inveterata, diuturna, depascentia, difficilia ad curandum, imò pro insanabilibus derelicta, ab eodem Galeno toties in *Epid.* descripta? Quid futura capitis excavata, l. 2. *de morbis*. ossium caries ex corruptione, cerebrum ipsum corrosum? Quid censebimus de turpibus carcinomatibus ab ipso curatis, l. 7. *de morbis*. 98. malignissimis oris ulceribus, l. 3. *comm.* 25. aliisque teterrimæ Luis symptomatibus? Ut hunc morbum asserat, sequenti commentatio, omnium gravissimum, dum pubem & pudenda olfidet.

Avicenna Princeps Arabum, l. 2. *tract.* 2. *cap.* 531. & 532. pustulas grossas, scabiem, ulcera sicca humidaque, impetiginem, dolores nervorum, gingivas sanguineas, dentes corrosos, aliaque Luis Venereæ symptomata profert, quibus & oleis medetur. *Argentum vivum*, inquit *cap.* 47. *extinctum* valet scabiei cum oleo rosaceo, & ulceribus malis: En ni fallor, apud Avicennam & morbus & remedium. Illum iterum audiamus: c. 284. *Karon est lignum Indum, juncturis maximè conveniens*, quòd ebena, duritie, colore & substantia simile, ab Hispanis *Guajacum*, ab aliis *lignum sanctum* appellatur, præcipuum syphilidis alexipharmacum.

Arabes profectò sub Asaphati nomine Luem hanc Veneream intelligebant, ut interdum Græci sub achoribus, & recentiores sub scabie aut lepra. Quo loci, non ignobile testimonium erit mille Xenodochiorum in Gallia numerus, leprosis dicatorum, quamvis in amplissimo regno; nullus planè lepra Græcorum Arabumve correptus langueat.

Quid



Quid ergo, quales erant isti leprosi? Lue Venerea affecti pro leprosis audiebant, insanabilibus tunc temporis ægrotantibus. At cum Medicorum industria, Gallorum præsertim, horrendum morbum ita expugnauerit, ut post XL. dies nil ejus sit reliqui, egregiam sibi laudem comparavit, Rex Christianissimus LUDOVICUS MAGNUS, cum tantas divitias à piis hominibus in usum Leproforum donatas ad nobilium militum alimenta solatiumque seposuit, qui pro Regis ac patriæ gloria sanguinem profunderent, & Equites D. Lazari nuncupari mererentur.

Placet hic saltem aliquos commemorare qui ante tria sæcula Syphilidem descripserunt sanaveruntque. Campegius l. 2. *prax.* Gul. Salicetus, Gordonius, Valescus de Tarenta, Nic. Machellus Mutinensis, in *comm. Galeni de morb.* Jo. de Vigo, l. 1. c. 1. Hugoque Senensis, qui consiliis 55. 66. & 100. Luis venereæ naturam non obscure adumbravit, ut pustulæ crustosæ, tumores duri, ulcera capitis, diverforum membrorum dolores, noctu magis quàm interdiu affligentes, alteri morbo applicari nequeant: Is porro objerat antequam orbi nostro cognitam esse Syphilidem Novatores finxerint. Id etiam Jacobo Forlivienfi convenit, docenti *Lichenes esse desædationes cutis cum excoriatione, procedentes à phlegmate salso*; quibus Luem Veneream intelligebat.

Scribit Aloysius Lobera Medicus Cæsareus, ad Dioscoridem, *cap. de Sabina & de Junipero*, has plantas virtutem continere ligni Indici, plagas ulceraque maligna curare; hinc illi cognitam Luem Veneream.

Leonardus Schmai Medicus Salisburgensis audacte pronunciavit c. 1. *Dico præterea hunc morbum durasse semper*, scilicet nullo modo novum fuisse. Cujus quidem auctoritatem nolim ut classicam proponere, sed ne primus videar hoc paradoxum instituisse.

Potuissem Medicorum myriades adducere quorum opinione partes nostræ egregie fulcirentur. Verùm urgentibus me temporis angustiis, castra derelinquam medica, & ad unum confugiam, Aur. Prudentium Clementem, Consulem Romanum, primumque Poetam Christianum, Theodosii temporibus scribentem, quarto post Christum sæculo, in hymno 2. *πᾶσι σπαρῶν*, passionem S. Laurentii describente, versu 247.

*Istum libido fetida*

*Per scorta tractum publica*

*Luto & cloacis inquinat*

*Dum spurca mendicat supra.*

Nullum hîc opinor carmen esse quod Luem Veneream non sapiat, *libido fetida, scorta publica, luto & cloacis inquinatum* seu ulceribus pureque mandentem, *dum spurca mendicat supra*. Plura dicere nefas, ulteriorem commentarium vetante pudore. Indignentur quantum velint fremantque Novatores, tanta est hujus viri auctoritas, ut sub ejus folius umbra tranquillus possim quiescere.

Scriptorum legiones, mihi credatis, Auditores, sunt amplissimæ, qui hujus morbi mentionem fecerant; Quid *dysuria à turpiori intemperantia?* quam Cicero commemorat, l. 7. ep. 26. quid *morbus Campanus* apud Horatium? manifesta est apud Poetas Catullum, Martialem, & Juvenalem: Arbiter elegantiarum Petronius, Apulejusque eamdem



dem descripserunt, olimque Xenophon, Herodotus, innumerique alii quos numerare labor.

Alterum exercitationis nostræ membrum perstringamus, & celebres aliquot priscos viros Lue Venerea affectos fuisse demonstramus. Augustum primum memorabimus fortunatum hunc hominem cui fata orbis imperium universamque pacem decreverant, Augustum inquam maculoso fuisse corpore scribit Suetonius, c. 81. dispersis per pectus atque alvum genitiois notis, distillationibus in cinore vitio laborasse, & ad desperationem redactum. Contrariam & ancipitem rationem medendi necessario subisse, quia calida fomenta non proderant frigidis curari coactum, autore Ant. Musa. Anniversarias ac tempore certo recurrentes valetudines expertum, quare quassato corpore neque frigora neque æstus facile tolerabat. Nonne Medico facile est hæc symptoma Lui Venereæ adscribere περιδιδυλὴν seu περιδιδύσαν κατὰ τινὰς καυρὰς νόσον morbum, Prothei instar, colores suos mutantem, & his quàm illis anni temporibus magis affligentem. Quid præterea de remediis plane tunc temporis novis, celeberrimi Medici consilio adhibitis? Fomenta omnis generis probavit, ipsum *ἄμμοτον*, ut vocant Ærius & P. Ægineta, l. 3. c. 48. & *ἀμμοχώραν*, corporis volutationem in arena calida; cuius quidem meminit Severus Sammonicus c. de hydropē, Nec non & tepidis convolvat corpus harenis.

Hoc eodem remedii genere utentes audio Moschos Tartarolque, si quando ob epotum nimia copia adustum vinum, quam aquam vitæ nostri nuncupant, æstuant præcordia, amplo enim foramini arenoso in littore maris aut fluvii facto, sua immittunt corpora, sudorem eliciunt, & ebrietatem graviaque symptomata discutunt.

Et Salomonem sapientissimum Hæbreorum Regem, Lue Venerea correptum asserunt multi Sacrarum Litterarum interpretes, inter quos Pineda, Soc. Jesu, & Bolducci Capucinatorum doctissimus, quos firmissimis rationibus fulcit Rodericus à Castro. Septemgentesimus fœminarum quibus utebatur numerus, conjecturam auget medicam, à quo lues contingit contagiosa: Hujus enim causa cùm sit scortatio vaga promiscua & turpis, & hæc ab omni ævo salaciter fuerit usurpata, sic luem quasi æviternam asserere necessum est.

Ad alterum virum sanctissimum deveniamus, de quo ita sacræ paginæ c. 2. t. 8. *Satan percussit Job ulcere pessimo, à planta pedis usque ad verticem ejus, qui testa saniem radebat, sedens in sterquilino*: Et c. 30. t. 17. *Nocte os meum perforatur doloribus, & qui me comedunt non dormiunt*. Quis alteram Luem quàm Veneream intelligeret, à Dæmone missam & omnium scelestissimam (non tamen in concubitu Venereo, ab ipso acquisitam?) cui sanande, inquit Origenes superflua erat omnis Medicorum peritia atque sapientia. Liberiùs certè scripsit Ulrichus de Utten Eques Germanus, a Jobbi scabie originem ejus repetunt, quem credo in Divos retulerit hæc Lues.

Sed manum de tabula. Infamis illius morbi frequentissimique causas, signa, remediaque, suo tempore declarabimus, & primo die morbos particulares juxta Serenifs. Principis mentem, Deo dante, aggrediemur.

## D I X I.

005644.142